

兩浙金石志

兩浙金石志卷十

揚州阮元編錄

宋石龍淨勝院捨田記

○府○○○○門外錢塘○界居住奉○三寶弟子祝○
同妻衛氏三八娘○○今將本家置到仁和縣豐年鄉第
十三都水田壹段八畝三十七步謹發誠心捨入下石龍
淨勝院常住永遠供僧者昔時百丈開田用作千年常住
○○地蔵種稻以供十方高禪今來祝氏發心凝蹈前脩
軌撤捨良田八九畝入淨勝之寶方久遠供○○○三
時○種○○逐日開單展鉢合一衆身安道隆卽三○之
嗟俾二嚴之有據○因言○翠琰爰刊當與此山均共不

朽謹識

淳熙庚子三月十三日住山釋子崇立石

右在石龍院旁正書十一行行字不等按咸淳臨安志在龍華山後山石突出宛如龍首故名下石龍爲淨勝院上石龍爲永壽院

宋高麗寺劄付碑陰記

國家累聖相承專用仁厚凡可以教民□□□□替必發揚口顯之雖淨居老子之說有所不廢臨安府南山慧因教院始□禪□元豐八年有法師淨源講學戒行名聞外國高麗嘗遣僧□義天航海請授經旨神宗皇帝可其奏既歸以□□國王以其母命金書華嚴經乞置之源師

所居以報國恩於是其徒乞改慧因爲十方教院得旨許
之而賢首之教大□□靖國元年高麗遣使□徽宗登
寶位附白金千□□兩請造華嚴□□佛□□□□□
□行主之歲與剃度朝廷又許之而寺宇□□聖上龍興
主僧惠高累□宣對乞追述前朝之意永免官司指占上
亦許之而□聽益孚淳熙七年住持講師清素以名行被
選講席興盛凡稽首受教于坐下者日數百人遷善遠罪
者日益衆於是清素願以所得聖旨刊之于石求文以記
歲月□爲之序累聖化民之意無所不用其至以告于後
五月日通直郎軍器監丞周必正謹書

右在法雲寺正書十八行行三十字按慧因寺志吳

越王建初稱慧因教院宋元豐八年高麗國王子僧
統義天八貢因請從院僧淨源詔許之俗呼高麗寺
今名法雲寺

宋興福院碑

宋臨安府在城興福院記

宣義郎前江南西路轉運司幹辦公事劉莊主文

朝散郎主管建寧府武夷山冲右觀周邦書

武功郎閭門宣贊舍人兼德壽宮幹辦事務劉永堅篆
一天下之德在乎盡性通天下之志在乎窮理窮理盡性
者誠而明者也誠而明則愚者可化爲智也不肖者可革
而爲賢也所化者賢且愚焉能化者果如何哉而縛魯吉

諦大士以聞薰聞修金剛經三昧無量妙力普門示現乃
無化而不化也我輩上乘人聞而思之思而脩之體茲三
慧卽空假中名不思議者興福堂上慧觀公其人也公諱
師肇字先之本秀之華亭繆氏子也年甫四歲志趣不凡
超果慧照和尚見而異之勉令出家十二鬢染十三升壇
納上品具戒四威儀中而心堅鐵石行皎冰霜遂負笈來
虎林城初從淨住普明淨教主游講肆台宗大部探蹟精
微發揮道妙儔侶咸欽慕之爾後移錫上竺獨步於大法
師玉慧覺之門商畧古今抑揚其說偶吉祥廣福虛席有
司期集諸山衆推公揮麈于斯致大雄出世大事因緣若
赫日當天無幽不燭時名緇解屢大儒稽首濟濟焉何其

盛哉每頂一紫旃桓像翹跪如意輪祕呪課滿萬數晝夜
孜孜未始疲薺左丞相薛公昂鄉先生也與時爲忘年之
交凡室之長少間有所苦師卽加跌入如幻三摩提掬水
令飲罔不痊損或歲虞旱澇民遭癘疾恪誠禱請悉獲昭
格丞相嘗贈詩美之有持誦功尤異所禳妙入神之句乃
請諸朝錫紫方袍厥號慧觀旣而思之吾佛稱兩足尊
而不捨穿針之福顛祖以一心三觀傳無盡燈嘗崇梵苑
三十有六所先覺尙爾我何人斯行將卜肇基之域開最
勝福田矣丞相曰余有花藥小圃去仁和縣治之北一俱
盧舍自方可五千五百餘弓無諸丘坑地平如掌松篁環
衛風露涓涓蓋爲勝絕師乃結廬于此榜曰擇勝焉師素

蘊克誠景行動佛仁聲普聞檀信歸投諸大夫士凡遇休
沐必惕息其舍公乃炷寶薰淪犀奉品藻圖書辨析理義
語氣清壯可喜可愕坐久具蒲肴佳實一切敷設毅然不
鄙紹興丁卯夏六月太師循王俊撰工掄材爲建園通懺
堂安奉香火續蒙節使劉侯懋正信存誠勇施金帛再新
雕鑿靈感觀音瑞像一壇永充德壽貫如丙午本命長生
道場請移輿福古額揭于茲宇命乃子乃孫甲乙承續公
載懷興繕次其的嗣智韶者志行權奇力任斯事乃建三
門廊廡鴻鐘之臺瀼寶輪藏營別殿宅西方三聖襲淨土
七經天龍部屬森介壁間塗金暨碧炬赫照耀爲一方之
鎮矯矯諸孫能糾合豪右圖住世應真位置周阿峯巒峻

峙怪木盤結烟雲杳靈之際如覺天橋聖燈爛然在目諸
孫爲誰曰慧勤慧常義欽也噫噫是中桴革槌金擊木拊
石其聲皆具第一義諦等示真觀曲施苦應聞如是者咸
一根返源六根解脫豈曰小補哉銘曰

止止吉宅兮瞻之仰之恢恢德網兮賢斯俊斯熏香膏火
今日新于茲有子有孫兮嗣事維時

時神宋淳熙辛丑夏六月二十有九日當院住持比丘釋
智韶立石開封杜友聞刊

右在杭城北興福寺中正書二十四行行四十九字
篆額八字按文師肇華亭繆氏子從普明肄台宗大
教後游玉慧覺之門有掬水愈疾凡禱輒應之異左

丞相薛昂請諸朝遂錫紫加號焉又慕顏祖崇梵苑
三十有六之舉薛昂捨圃以資之榜曰擇勝紹興丁
卯張循王又爲圓通懺堂節使劉懋雕鑿觀音像并
移興福古額于寺其嗣智韶續建而規模大備遂爲
一方之鎮此碑舊志不載故爲節其畧于此台宗大
教卽後所云顛師也景德傳燈錄智顛說法不立文
字以辨才故晝夜無倦門人灌頂日記萬言而編結
之總目爲天台教苑焉薛昂杭州人元豐八年進士
初附王安石後因蔡京進仕至尙書左丞門下侍郎
始終附京當時有薛萬回薛八丈之目卽文中所稱
鄉先生者節使劉懋劉貴妃之父累官昭慶軍節

度使此碑樊榭山房集跋之最詳

宋王希呂等龍華寺題名

淳熙八年閏月甲午駕幸玉津園王希呂韓彥直闢蒼舒
鄭丙賈輝王佐施師黥趙汝恭孟經葉翥賈選木待問宇
文价以扈從至此

右在龍華寺後摩崖正書七行字徑二寸

宋蕭燧等龍華寺題名

淳熙十年三月十八日車駕幸玉津園蕭燧王佐黃洽曾
逮宇文价葛邲王閻張大經詹儀之余端禮李昌圖趙彥
中因扈從憩此

右在龍華寺後摩崖正書九行字徑二寸餘西湖志

因誤以字憇誤至字

宋蕭燧等龍華寺題名

淳熙丙午季春甲辰駕幸玉津蕭燧韓彥直宇文价余端禮葉翥李昌圖葛邕王信陳居仁蔣繼周洪邁韓彥質顏師魯□□李獻□□扈從至此

右在龍華寺後摩崖正書七行字徑三寸西湖志失

載此刻

宋蕭燧等龍華寺題名

淳熙丁未季春甲子駕幸玉津蕭燧韓彥直宇文价洪邁葛邕蔣繼周葉翥韓彥質王信陳居仁李獻陳賈章森顏帥魯劉國瑞胡晉臣扈從至此

右在龍華寺後摩崖正書七行字徑三寸西湖志衍
園字落葉者二字蠟誤作岷章誤作張

宋梁安世等題名

梁安世次張鄭濤次山偕來淳熙癸卯六月初四日

右在定山摩崖正書四行字徑一寸餘

宋李衛公廟碑

輔世忠烈王廟之記

王姓李氏諱靖字藥師京兆三原人也唐武德中輔公祏
據丹陽以叛詔王傅趙郡王孝恭東討臨機料敵一
戰而禽之高祖嘉嘆以謂雖古韓白衛霍無以加安吉舊
隸丹陽巨盜旣平邑人感

王之德迺卽邑之西山塑像立祠奉祀惟謹歲或乾溢禱
于祠下雨時輒應如響自唐距今已數百年趨 王之
處丐 王之庇者如祠之初也考其賜額封侯始于政
和自侯而公始于隆興然

王封衛國公見于生前則鄆之管城舊亦有祠已封

王得故乾道五年邑之士民援是以有請者再為按管城
之祠載于 國朝會要其立也迺後雖賜侯射李冲之

陂因陂為名而容臺異議執疑似之說以沮其請是時樞
為宰掾因討論而辨明之且引宋祁題 李衛公廟詩以
為據其詩曰斯人天挺傑賊膽畏骨其空章曰血食雄
京輔于今異姓王卽是以觀則豈得以僕射李冲之祠為

疑哉朝廷以樞言爲然且檢會

本朝祀典推崇有加

自建隆至大觀錫封

王爵已加忠烈今答靈應宜以

輔世忠烈爲廟號

綸語旣頒邑之稚莖歡呼鼓舞舉

手加額以相慶幸於是

神之宏休愈久而愈光矣樞

欲併減額未後

上之賜揚

神之休且以慰邑人奉祀之勤懷此有日

會邑宰韋昱祈禱有應則具石來請曰願有記蓋其講廟

之初曾以潔己導民于正以要神之福福是邑之民爲言

繼而蠶麥垂成淫雨爲沴民方愁歎禱而登霽秋稼旣實

隣縣飛蝗忽集近境禱而退飛然則

神之所以福吾

民與夫吏之所以感

神貺者其可無述乎竊謂生而

有功於國沒而得祀於民歷世雖久使人敬事之不懈是必鍾靈稟秀卓然有異於人者能之如 王之豐功偉

績磊落震耀富貴壽考哀榮終始固自有傳而見於逸史者有二事焉 王爲布衣時獻書西岳詞氣凜然有憂

天下之志如斬鯨鯢而清海嶽空氣稜而隔山河讀之可以起義槩而激雄心至於射獵霍山投宿朱門又有乘雲行雨之異太平廣記載之甚詳則前所謂鍾靈稟秀卓然有異於人者於此可見矣嗚呼 王之世祀也豈偶然

哉豈偶然哉中大夫提舉江州太平興國宮安吉縣開國男食邑三百戶賜紫金魚袋沈樞記并書淳熙十年七月十一日承務郎知湖州安吉縣主管勸農公事章昱篆額

立石

右碑篆額八字文正書廿二行行三十九字在安吉
縣李靖事蹟具見唐書本傳侯王之號自建隆大觀
已加忠烈此又加號輔世字耳文云安吉舊隸丹陽
按方輿紀要隋平陳吳興郡屬蘇州唐書地理志武
德四年平李子通置湖州六年没于輔公祏七年平
復置治烏程是時輔公祏據丹陽安吉亦其附縣也
衛國公靖生前封地没則連謚書之昭陵陞墓碑所
書衛景武公是也湖錄又載烏程古山廟祀李衛公
有唐吳道石碑是唐已祀之又辨正索靖廟卽李靖
廟索爲祭之名本禮記蜡者索也周禮黨正國索鬼

神之義可謂卓然用證子美十姨之訛矣

宋鹿伯可墓誌銘

上缺直學士通議大夫提舉江州太平興國宮奉化縣開

國子食邑五百戶樓鑰撰并書

上缺閣學士通議大夫提舉江州太平興國宮河南縣開

國伯食邑七百戶邱密篆額

上缺上章求致其事時

上缺祿奔走臣子然 聖意頗厭躁競之習顧大臣問所

以丞相趙公雄奏曰鹿某之請出於至誠朝論多惜其去

寮友有以詩挽留之者廟堂亦嘗却其請而求之不

下缺

遷官二等以朝奉郎直秘閣賜緋衣銀魚授一子昌運以

官用華其歸君生於建炎之元至是季才五十有三況以循良之課入爲名曹日嚮於用翩然乞身而去

上缺

節萬衆欽嘆其行也朝士餞別爭賸詩以爲贈先是

有客嘗取靈徹詩所謂林下何曾見一人者欲以見一名

君所居之堂君曰此吾志也旣十季矣人皆以君不待季

下缺

去台城四十餘里地名鹿陝山水佳處也旣歸不復

入城府汎埽庭宇徑爲終焉之計鑰時自 敕局贊倅于

台訪君之廬崇岡碧谿老木擁門主人欣然出迎望之使

人下缺

之賸詩而還郡太守爲哀中外之詩爲見一堂集

行於世官滿再過之間君樂乎笑曰不見其樂但覺日長

耳慕仰不足又爲之詩曰再上先生見一堂澹然賓主兩

相忘不知

下缺

畫長君亦爲一笑領此意尋卽別去意君

之壽考未艾也別四季而訃聞蓋十季十月七日哀哉嘉

泰三季昌運改通直郎將宰龍泉過四明敞廬中感念疇

昔恍更二紀方相

下缺

椿季知處州日所作君行狀泣而

曰先君之墓未有墓隧之碑今日知先君之出處者幾

無人矣敢以銘爲請雖老矣學益落義不得而辭也君字

伯可世爲臨海人曾大父戡不

下缺

郎父汝爲案贈宣教

郎惟鹿氏積有隱德諫議忠肅陳公瓘謫居時事伯仲

實從之游始爲儒家伯父汝弼汝明紹興十二季同以進

士起家鄉閭榮之二兄皆與省員而蚤世君資

下缺

屬文

由太學登三十季丙科授左迪功郎秀州華亭縣尉有戚

寇者 海道 朝以名捕君聞其馮險肆虐先以方畧

禽其爪牙數輩一旦出不意親至其家縛取以歸凶徒屏

息潦水下缺 千頃王公炎時為漕使被 旨疏導之水軍

奉命促迫諸縣吏民洶洶及君往視持畚耜待于阡陌者

數百千人詢之耆老具言權豪築長隄侵淤水道今不於

彼疏治反壞民業書愈下缺 隄或曰此鼎貴之人所築也

君曰正當自顯 始有 尉自當之隄既盡去水勢頓泄

向之沒者土且作又矣漕來按臨力陳利害之原與其已

施行者漕喜甚屬君草奏

上缺 郡寮賀曰決隄之舉旁觀為之股慄乃以談 而

用盜賞改左承奉郎知泉州南安縣郡於中冬

督秋賧甚急就逮者縣率二百人君力言省限未及法未
應追而逮愈急趨下缺擲其牘於地連日上謁不得見

身以歸民相率至縣庭遮留者日數百人且言毋捨

我去賧易足也皆夜舂晝輸未挾日而登足守驚且悔設

燕延欸問何以致此遜謝而已邑庠下缺築淫祠於

徹其材新之增員選師親加課督士益知勸黃龍見于

前紀之以詩屬和者甚眾是歲邑士名薦書者倍於舊

吏部石公起宗廷試為亞魁人皆以為作成之下缺治

相戒不忍犯法至親有訟一言諭之或感泣退空繫

邑人肖像立祠奉之至今詹事王公十朋為守以治

最薦有旨審察詹事陳公良翰為給事中舉君自代云

處事剛

下缺

諒直而不欺人以爲得其實二公皆有當世

重名不輕許可

監登聞檢院時

口中都官待者率

從員外置遂添差通判吉州佐郡有聲鄰有滯訟部使者

多以委君一問而得其情

下缺

右大飢參政龔公茂良帥

隆興任以荒政 朝廷設賞募人 粟君論富室得米七

萬斛賴以全活者不勝計龔公力薦之復有 堂察之命

淳熙二季二月除知衢州尋改饒州

上缺

羣臣氣節不立風俗委靡不能仰副 聖意 論諸

郡獄官不 注癯老之人乞嚴差注之法又言奏對者多

徇私迎合詆議成法間有施行又以不便而罷誠有朝令

夕改之弊

上皆嘉

下缺

論君治郡不可不留意財賤君

奏曰今生財之道極矣惟能 原懲吏姦則財不可勝

用無政事則財用不足若能使田里無愁恨歎息之心則

郡計不足慮也 上然之四季九月到郡未 下缺 召爲

諸王宮大小學教授五季五月除尙書屯田員外郎

對因奏立宮庠以教宗子而法制苟簡反不及州縣乞修

廟學定生員置贍養之資嚴教導之法又以屯田有名無

實國用十以 下缺 惟此可以少紓民力酌古驗今周詢

博采有上屯田 指兩淮可以留屯者數十所君稽攷計

正灼知利便願以身任其事十一月遷金部君俟助長貳

經畫調度給內惟謹綱運當輪左帑者因 下缺 多露積岸

次躬爲督察力革其弊 明堂大饗陰雨不 歲 之日

天宇開霽禮成 上甚悅君進詩頌思有以開廣 上意

又奏聖人不以得天爲足而以敬天爲務天之所以眷顧

下缺

如此其至 陛下宜存不息之誠勿懷自滿之意則

天之 佑有加無已 上稱善者再三且極言民之疾苦

寬恤之詔每下而奉行不虔其擾益甚如差役催科折

帛場務俱乞更張 下缺議而行之郡縣有奏陳利害 然

可行者必力主之勢不得專多有扞格自以強顏班列爲

媿而歸心啓矣君寡兄弟少又多病世味官情泊如也陪

祠小疾決意納祿或勸止之則曰吾才薄命奇 下缺致身

員郎所得已厚不自知 其曠敗悔之何及識者謂二

疏官至師傅祿二千石又皆篤老君過之遠矣歸創小閣

聚書其上朝夕省閱客至則觴詠以爲樂給事龍學吳公

芾推冠已久宅於

下缺

石井自號湖山居士聞君此舉喜

甚篇章相屬爲忘季交君歲一過之劇歡而歸吳公病中

邀一見亟往訪之未幾遂相尋於九京尤可歎也君天資

孝友在上庠聞父病不暇俟潮有願負以涉者

下缺

而潮

至負者棄走自分必死俄有小艇至前賴之以濟人以爲

誠孝所感二兄復疾藥餌悉出其手未嘗去側爲伯氏立

嗣撫之如己出伯父通直性嚴重事之盡禮得其歡心分

舊宅則辭多而就寡

下缺

自奉甚薄而好周人之急少讀

張季崖公所錄黃兼濟事慕其爲人凶歲則損直捐廩以

濟鄰里外和內剛初有

朝蹟吏白當先謁權近叱去之

居官一毫不妄取禁家人市土宜作器用南安月 有

下

缺例當增竟不之問鄱陽郡例及諸司以千緡餞行會建

貢聞 以助費在州縣時雨暘有禱輒應謝事五季而四
早鄉人禱或不獲君一出卽甘澍隨之人皆歸功則曰偶
然耳棄置人事之後聞

上缺家一政令之得失一賢才之用舍憂喜形於言色若

身 責者爲文明白簡易詩務平淡能寫人所難言文

集十卷藏於家娶應氏知楚州寶應縣權之女先君十五

季卒有賢行君自爲之志其文甚

下缺

贈安人墓于鍾暉

鄉白 隩一子昌運也一女適從政 江州德安縣丞

栝孫男 業儒女二人適同里進士吳燿應虞曾孫男女

四人尚幼十一季仲冬丙申舉君之喪合于應安人之墓
嗚呼下缺公六十三而致仕君又先之鑰投間九季猶以

爲養而

祠祿視君有媿焉銘曰

七十致仕禮經甚白季踰知命胡去之亟才方登用身又
康疆慨然歸二疏有光煌煌 孝宗求賢如渴崇獎靜
退以厲臣節天 仁不假之季 令名惟君純全我
升其堂又銘君墓後之君子庶幾知慕

右碑右角題額俱闕今存者亦斷爲三石文正書三
十七行在臨海縣東鄉白竹陳按攷媿文伯可由太
學登紹興三十年丙科授迪功郎秀州華亭縣尉改
左承奉郎知泉州南安縣淳熙二年除知衢州尋改

饒州召爲諸王宮大小學教授除尙書屯田員外郎
遷金部乞休以朝奉郎直秘閣賜緋衣銀魚授一子
昌運以官華其歸朝士餞別賦詩以贈可謂榮矣後
丁守疇以伯可與石子重商輩仲郭子奇陳壽老杜
成之祝爲六賢吳荆溪記其事稱伯可投簪于未暮
之年脫蹤于必爭之地朱文公亦雅重之輒以詩合
此誌讀之伯可誠賢矣哉舊志謂當時賜號見一先
生此伯可以客言靈徹詩遂以名堂亦當以此誌刊
誤也

宋勝果題字

勝果

皇宋淳熙十三年夏四月甲子重建右邊大元至元二十年

五月戊寅日僧復新建左邊

右勝果二字隸書字徑一尺五寸欵字正書分列字

徑一尺餘在鳳凰山勝果寺

宋王大通等題名

□□王大通宋徽穆冠卿淳熙丁未春晚同來

右在鳳凰山摩崖隸書三行字徑三寸

宋王大通鳳山題字

鳳山 淳熙丁未春洛王大通書

右同上隸書字徑三尺四寸欵字隸書二行分列字

徑四寸餘

宋寶藏巖長明燈碑

本院諸殿堂雖殿主執幹尙闕長明燈遂募衆緣得錢叁拾叁貫八長生庫置燈油司逐年存本所轉利息買油除殿主殿堂燈外別置琉璃明燈仰庫子逐月將簿書詣方丈知事簽押不許去後移易貴得綿遠然此燈普供

十方諸佛一切聖賢所集

妙利祝延

聖壽保國安民仍爲捨錢 檀信作生生之福果爲世世之津梁心燈發現於大千性地常明於沙界頭頭應用處處現前不昧真機常爲佛事四恩普報三有齊資法界有情同圓種智各隨願心

今開具施主捨錢名銜于后

迪功

仕陳序蔡文彭玢杜大年趙伯序鄧義周妙光

張文政會

夫陳德陶元晟張法勝孺人許氏妙瑞朱陶

氏四十娘章氏三二娘楊氏五娘厲氏十娘吳氏淨心朱

氏四五娘張氏六娘比丘尼覺信普雲鄒智堅鄒智比

丘景樞法昌吳

吳六八娘童行普寧普信普廻宗印

各人捨錢壹貫文足徐氏四娘童行宗廣宗照宗鑑 共

捨錢壹貫文足住山在菴法先捨錢叁貫文足

皆淳熙十五年戊申正月旦日住山法先募緣

右碑題額六字文上層十四行下層十四行俱正書

在臨海縣西鄉寶藏寺按赤城志普安院舊名安像

寶藏巖蕭梁時建長明燈又謂之無盡燈鄞縣有東谷無盡燈刻輸錢俱三十六貫文此云三十三貫大約供一年之需而于長生庫轉利供油也長生庫本始于寺院故有仰庫子及簽押等語今釋若此衆將譁然而憧憧者莫不競爲利藪矣

宋紹興府進士題名碑

紹興府進士題名一 碑額八字八分書

晉史謂會稽有佳山水名士多居之王羲之晚渡浙江遂有終焉之志顧愷之謂千巖萬壑競秀爭流而一時人物如孫綽李充賀循許詢輩皆文藝冠世說友幼讀史長而從仕謂今會稽實拱 行闕仕而有職于東蓋無難者亦

庶幾見所謂以山水名天下與人物風流之盛者乎而宦
海萍游逾三十年而志弗遂淳熙十六年春始得辱乘傳
典倉事於是登秦望探禹穴識其委蛇盤礴之觀而得其
溫厚粹美之氣蓋其鍾靈孕秀雲行川流胚胎醞釀發而
爲英傑宜有獨盛於斯世者 國朝崇儒右文眡古爲
重而東南儒風宏楸盛美會稽爲最焉杜祁公以道德文
章功業行實克相 昭陵德在生民勲在史冊足以儀萬
世而垂後學如李公光入參大政孫公沔晉貳樞堯顛公
臨典制北門陳公揚庭執灑中司傅公墨卿正位常伯陸
公佃石公景畧皆以文學冠春官夏公噩齊公唐皆以賢
良應大科傅公崧卿以文執魁舍選儒學之秀頡頏上下

此非騫翔奮厲之所蘊而雄深秀麗之所鍾耶建炎初

六飛渡江嘗駐蹕于越而越今爲陪都蓋古三輔也山

川之所形見風化之所漸被其儒風士業流聞彰布益以

昌大要非餘郡可比王公佐詹公駉相望二十餘年之間

皆以大策冠多士王公俊石公廷慶莫公叔光皆以進士

中宏博石公公轍以奏恩擢魁名而三歲大比賜第于太

常者率十餘人其連取世科伯仲聯第者又閒見層出人

物之茂實爲衣冠盛事其亦有以權輿於此哉郡之前進

士石朝英陸洋張澤闔辭以告說友曰越之山川則有郡

之圖志在越之名卿才大夫則有國之信史在若無俟

於登載者然鄉之宗老則懼晚學之未聞也人遠遠而寢

忘事愈久而愈墜其不沒前人之事者幾希朝英等將以郡之進士列名于石且請于 府帥開學尙書王公願飭工鑿石寘諸郡庠之講堂於以示勸激之意然非文不傳也敢以請說友幸以將指來越而楚實有材又所身見而目識者其何可辭則與之言曰夫讀古人之書肄當世之業豈直取科級釣爵位以夸榮侈盛於鄉曲哉其致君澤民行道及物實自讀書肄業始漢世設科射策勸以官祿史氏譏之韋氏教子一經志於青紫後有貶焉士之學固有遠者大者今

天子龍飛御天適當興賢之歲越之士將企前慕昔以接踵賢躅而振袂流風者其盍思所以遠者大者乎雖然越

有君子六千人昔人謂其有志行猶齊之士吳之賢良也
嗚呼千載之後其必有仍盛美於前人者說友猶拭目以
觀之題名起於慶歷二年前乎此者攷諸登科記則鄉里
多不載故不書而杜祁公則大中祥符元年甲科四名進
士蓋可攷云是年十一月望日朝議大夫權兩浙西路提
點刑獄公事袁說友記并隸額

題名舊刻始於慶歷用登科記修也前此記不詳其鄉
里故雖祁公亦不復書闕所不知是固未害然祁公不
書何以寓高山景行之瞻教授劉君庶請于 府帥待
制侍郎單公夔礪舊石而增修之訪遺逸於邦之長者
得陸公軫以下已七人遂列祁公於是首自建隆開國

距慶歷餘八十年其間策名多矣未易攷也仍存闕疑之義自慶歷至今百五十餘歲登載日益盛今年上以孝廟故未親策多士而莫君子純實爲南宮第一三魁相望於四十餘年之間是碑重修其風遠矣介旣爲書舊記於碑首復敘大畧以輔教事慶元丙辰臘月旣望承議郎添差權通判紹興軍府兼管內勸農事王介書

大中祥符元年姚暉榜

杜衍

第四人相

大中祥符五年徐奭榜

陸軫

傅營

大中祥符八年蔡齊勝

齊

今上御
名同音

王絳

天禧三年王整勝

孫沔

樞

傅瑩

天聖八年王拱宸勝

齊唐

今上御
名同音弟

寶元元年呂湊勝

沈紳

褚瑄

慶歷二年楊寘勝

朱奎

茹約

石牧之

石衍之

徐絃

石象之

慶歷六年賈黯榜

何玠

朱琮

梁佐

陳惟混

皇祐元年馮京榜

關杞

任秉

關希聲

王醇

石麟之

馮滋

余叔良

胡穆

楊度

王霽

朱

方

皇祐五年鄭獬榜

姚甫

韓希文

應瑜

張琦

李燮

是年賜九經出身

顧臨

內翰林學士

嘉祐二年章衡榜

章蒙

余京

褚理 理弟

傅傳正

王淵

石景淵

象之子

唐

高宗廟諱同音

石深之

衍之弟

夏噩

是年材識兼茂明於體用科

夏噩

嘉祐四年劉燿勝

姚勔

中書舍人

關景仁

嘉祐六年王俊民勝

錢暉

顧沂

馮豫

褚珪

張燾

嘉祐八年許將勝

褚唐輔

關景暉

景仁弟

治平二年彭汝礪勝

王長彥

余弼

治平四年許安世榜

黃兌

梁興

熙寧三年葉祖洽榜

陸佃

第三人
左丞

省元

陳旣

熙寧六年余中榜

石景畧

別院省元
深之子

沈筮

王容

陸佃佃弟

韓

羽

石景衡

衍之子

關澥

鍾昇

熙寧九年徐鐸榜

張祖良

黃彥

虞昆

元豐二年時彥榜

詹默

華鎮

石景術

衍之子

元豐五年黃裳勝

沈衮

徐充

戚儀

詹京

蔡繪

黃詔

石景衍

衍之子

是年明經

朱翬

元豐八年焦蹈勝

張叡

丁希說

傅勉

虞賓

梁

高宗佐孫
廟諱

元祐三年李常寧勝

朱興宗

陳毅

元祐六年馬涓勝

石公輔

賜名公輔
諱之孫尚書

黃特

陳兢 兢兄

朱卯

唐

翊

高宗廟
諱同音子

馮谷

紹聖元年畢漸勝

求穆忠

梁休泰

紹聖四年何昌言勝

虞寅

寅弟

虞大猷

陳揚庭

賜名過庭
中書侍郎

姚舜明

元符三年李釜勝

石端中

黃日新

盛旦

錢克忠

黃無慝

崇寧二年霍端友勝

徐公佐

求元忠

陳濤

唐竦

高宗廟
諱同音子

石

彥和

景畧子

姚斐沈

方喆

崇寧五年蔡薤榜

石端誠

李光

參

郁藻

潘彬

大觀三年賈安宅榜

臧言

王上輔

華初平

鎮子

褚唐舉

理子

王

俊

兼中詞科

石公恕

孫寶著

張宇發

別院首元

黃通

政和二年莫儔榜

張公彥

石公揆

景術子侍御史

翁彥約

朱常

郭

亢

高

欽宗廟諱

政和五年何臬榜

傅崧卿

上舍魁給事中

錢唐休

王致柔

王真卿

杜師文

葉汝平

張翮

韓漑

羽子

陸長

民
軫曾孫

右紹興府進士題名第一碑在府學前記袁說友撰
時淳熙十六年十一月至慶元丙辰冬增修王介重
書舊記于碑首並記畧云題名舊刻始于慶歷前此
登科記不詳其鄉里故多從畧教授劉君庶請於府
帥待制侍郎單公夔礪石增修自大中祥符元年姚
畦榜杜衍起至政和五年何棗榜傅崧卿等凡一百
四十三人以新修府志校之微有不同志於熙寧六
年失錄石景畧一人元豐二年失錄詹默石景術二
人政和二年失錄翁彥約一人又熙寧三年陳烱誤

作誥元符三年石端中誤作端平崇寧五年郁藻誤
作蔘又皇祐五年失錄賜九經出身顧臨嘉祐二年
失錄材識兼茂明於體用科夏噩元豐五年失錄明
經朱彘蓋府志皆採自他書難免舛漏不若此碑是
當時專立信而有據說友字起巖建安人淳熙十六
年任浙東提舉嘉泰間擢郡守有善政陸游序會稽
志之成亦是其力也王介字元石金華人紹興初進
士遷太學博士以封事詆韓侂胄添差通判紹興府
時姚愈劾介與袁燮皆僞學之黨或勸其自明介曰
吾髮種種豈爲鼠輩所使耶侂胄誅召還謚忠簡事

詳宋史

宋紹興府進士題名碑

紹興府進士題名二 碑額八字八分書

政和八年王嘉勝

諸葛行敏 通子

孫鼎 姚景梁

陳橐 殺子
工部

侍郎

錢唐俊 唐弟

宣和三年何渙勝

梁仲敏 諱子
諱夫 石嗣慶 象之曾孫

王賓 黃唐傑

陳陞 王休 俊兄 桂章 孫彥材

宣和四年賜同進士出身

傅巖卿 傳正子
禮部尚書

宣和六年沈晦勝

諸葛行言 胡尚智 謝作

建炎二年李易榜

唐閱

高宗廟諱同音孫

梁仲寬

高宗廟諱子

詹彥若

陳炳

孫

適

紹興二年張九成榜

黃嘉禮

葉蕃

杜師旦

石襲慶

改名延慶 襲慶中詞科

吳康年

石公轍

特奏狀元 公淵弟

紹興五年汪應辰榜

李孟博

第三人 光子

胡沂

第四人 吏部尚書

虞仲琳

寅姪

石師

能象之孫

王俊彥

王賓

馮羽儀

谷子

虞仲珪

子

馮耀卿

茅密

紹興八年黃公度榜

繆渥

紹興十二年陳誠之榜

張攬

歸姓馮

馬佐

詹承家

京孫

唐闕

翊子起居舍人

詹林宗

承家弟

徐几

傅世修

錢稜哲

葉汝士

汝

平弟

紹興十五年劉章榜

傅晞儉

黃昇

茹紹庭

梁仲廣

高宗廟諱

子

吳公輔

張之綱

石

大上御名同音

紹興十八年

王佐

狀元後諱子音

張穎

陸升之

長民子

高選

陸光

之長民子

周汝士

詹亢宗

林宗兄

沈壽康

茹驥

紹興二十一年趙達勝

唐準

孫大中

紹興二十四年張孝祥勝

虞時中

仲瑤弟

黃開

黃閻

開弟

黃閻

閻弟

右邦

彥王公袞

俊彥子

貝欽世

茅寵

趙粹中

吏部侍郎同榜

紹興二十七年王十朋勝

周汝能

許從龍

姚筠

孫安國

通子

紹興三十年梁克家勝

馮時敏

羽儀子

姚廷袞

顧宣

黃閻

閻弟

紹興三十二年賜進士出身

陸游

佃孫
待制

隆興元年木待問榜

王速

李唐卿

魏中復

石斗文

黃度

兵部尚書

莫叔光

兼中詞科
吏部侍郎

俞亨宗

許蒼舒

丁松年

乾道二年蕭國梁榜

王日永

致柔子

邢世材

虞汝翼

真會孫

張澤

兵部

尚書

傅頤

王正之

楊寅

張宗仲

王厚之

杜

彌

乾道五年鄭僑榜

陸洙

曾槩

王誠之

黃閻

別院省元
閻兄

王訢

兼中刑

法

乾道 年黃定勝

石宗昭 公撰孫

許開 蒼舒姪

高宗商 任惟寅 張

拱辰 宗仲姪

錢棗 唐俊子

卜芸 張亨辰 拱辰弟

梁文

是年八月賜同進士出身

姚憲 舜明子

淳熙二年

詹駉 狀元

桂森 孫應時 方秉文 盛勛 李友

直 周之剛 唐錡 石朝英

淳熙五年姚穎勝

徐邦傑 貝襲慶 欽世子 唐淮 厲居正 朱元之

尚朴 陳杞 兼中刑法

淳熙八年黃由勝

諸葛千能 姚廷昂 廷衮兄 魏挺 中復姪

朱元龜

陸子愚 葉恢 汝士子 梁汝明 宋駒

淳熙十一年衛溼勝

施累 黃邁 度子 虞時忱 時中弟 吳芸 董之奇

陸洋 白公焯 陶廷俊 姚一謙 廷昂

淳熙十四年王容勝

石宗萬 宗師弟 周之瑞 汝能姪 黃克仁 詔旨孫 應

燮 郭綽 徐三畏 杜思恭

紹熙元年余復勝

陳用之

案孫
文諱

與諸葛安節

別院省元

潘方

莫子偉

叔光子

紹熙四年陳亮勝

宋叔壽

王度

劉宗向

陳用之

再登科

許閔

開弟

慶元三年鄒應龍勝

莫子純

狀元以有官充第二
叔光姪中書舍人

曾勳

槩子

王澈

黃仲

陳無損

馮景中

時敏子

石宗魏

元孫

楊拱辰

馮大受

王夢龍

石宗玉

景衍曾孫

方秉成

秉文

弟

慶元五年會從龍勝

呂冲之

張撫辰

宗仲孫

李知新

光姪孫

王復明

傅誠 墨卿元孫

胡衛 沂孫

曾黯 槃姪

石孝溥 宗明

子 茹駢

嘉泰二年傅行簡勝

方秉哲

秉文弟
秉成兄

張炳

楊轟

袁一之

開禧元年毛自知勝

黃庭

度弟

盧補之

過文渙

張浹辰

宗仲子

申宋

說

梁簡

仲寬孫

田廩

任必萬

嘉定元年鄭自誠勝

周之章

二瑞弟

黃虎

諸葛興

余一夔

嘉定四年趙建大勝

李復

光會孫

榮熙辰

李知孝

光孫

唐楷

翊會孫

錢難老

茹藜

虞植

時中孫

嘉定七年袁甫勝

孫之宏

朱晉

陳亨祖

姚翀

章夢允

嘉定十年吳潛勝

劉漢弼

姚鑄

憲姪孫

陸若川

升之孫

丁燁

希說曾姪孫

丁燧

燁弟

袁行之

尹煥

葉明道

汝士孫

周宣

子之綱子

閻璋

章又新

鄭大中

楊權

嘉定十三年劉渭勝

諸葛十朋

孫祖佑

王栝

過必窠

尤孟遠

茅彙

征 王祖洽

王燾

嘉定十六年蔣重珍勝

毛遇順 周溶孫 莊徽 聞人知名 王建封 俊彥孫
寶慶二年王會龍勝

楊瑾

紹定二年黃朴勝

張崧卿 任貴登 張飛卿 勞崇之

紹定四年

慶壽恩釋褐賜進士出身

王傑

右紹興府進士題名第二碑在府學碑自政和八年
王嘉榜諸葛行敏起至紹定四年慶壽科王傑等凡
二百五十人此與前第一碑同時立其慶元二年以

後皆立碑後續題也府志於宣和六年失錄諸葛行
言紹興二十四年失錄趙粹中紹熙四年失錄陳用
之蓋用之登元年余復榜以犯諱與文學至是再登
科也又紹興八年繆渥誤作繆涯淳熙八年姚廷昂
誤作趙廷昂嘉定元年余一夔誤作金一夔七年章
夢光誤作童夢光十年丁輝誤作丁焯十三年王栝
誤作王秭紹定二年任貴登誤作任貴皆當據此碑
正之

宋紹興府進士題名碑

紹興府進士題名三

上踐阼之八年

徽猷農卿程公帥浙東領府事下車未幾修教庠序以孝弟忠信淑諸生學者鄉風是年論秀賓與勸駕有加禮善類增氣明年奏

廷對二十有二人猗歟盛哉越所未有也舊題名記二姓氏充叔餘不盈咫 公一見嘆曰此邦爲帝鄉且屬

東朝 壽慶 恩腴閩郡秀茂上春官得人宜多茲詎足紀姓名亟礮石以俟捷至果如 公言 公嘗麾節鄞江

今江東憲 袁君甫魁天下聯名尤夥豈非 福星所至則魁躔文宿次舍翼從炳煥增輝固應爾耶新碣肇建芳字粲陳非獨傳不朽示方來至於文風丕振士氣聿張光紹三魁袞袞未艾此又 公之使深屬蟾倚席罔功拭目

榮侈或謂蟾曰識顛末紀歲月郡博士職也蟾用不敢致
謹再拜泚筆述所睹聞俾來者有考若夫前記所刻自
杜正獻公而下其人物風流事業彪炳者 國有史郡有
志登載詳矣異時將大書特書不一書而止作人有功聞
者興起又當推本於今紹定五年十月望日文林郎 特
差充紹興府府學教授繆蟾謹題

紹定五年徐元杰榜

陸叙 佃五世孫 梁大受 葛焱 施退翁 孫子秀

胡昌 李衢 光曾孫 陳錫禹 楊釋回 拱辰姪 孫自

中 王世威 陶夢桂 廷俊孫 楊炎 楊國英 過夢

符 王鵬舉 戴鐸 王華甫 陳煥 呂秉南 王景

壽

端平二年吳叔告榜

馮喜孫

谷四世孫

俞公美

孫燁祖

嘉熙二年周坦榜

胡太初

余潛子三
年中詞學
科第一人

過正己

文煥姪

全清夫

劉會

孫逢辰

戴得一

鐸兄

錢紳

屠雷發

戴浩

得一子

楊瑤

瑾弟

孫嘉

袁灝

韓境

琦六世孫

淳祐元年辛丑徐儼夫榜

陳膺祖

鄭熙載

馮平國

淳祐四年甲辰留夢炎榜

章夢璞

張良孫

任西之

陳熹之

朱元光

楊光

子 陳肖孫 李士特

淳祐七年丁未張淵微榜

葉秀發 王公大 孫嶸叟

林之子
癸亥再
中詞學

馮濟國

淳祐十年庚戌方逢辰榜

黃雷 胡夢鱗 王燦 胡杲 孫林 之宏姪

商又新

王祖直 董元發

寶祐元年癸丑姚勉榜

陸達 孫象先 毛振 夏仲亨 沈

紳五世孫

陳

夢卓 唐震 孫炳炎 李碩 錢恢

寶祐四年丙辰文天祥榜

杜應之 姚會之 何林 劉漢傳 莫子材 張頤孫

徐理

開慶己未周震炎榜

俞浙

季應旂

省試賦魁

潘時旻

孟醇

朱國英

劉瑞

龍

晏姦

陳碩

景定三年壬戌榜

方山京

狀元

黃焱

黃遇龍

華景山

陸天驥

張

霆

陳開先

夢卓弟

許稟

省試第二名

徐天祐

吳

大順

吳天雷

王端

咸淳元年乙丑阮登炳榜

潘文虎

彬曾姪孫

俞湘

公美浙姪

張翼

張彌浩

高子埜

郭泰來

陳化翰

呂淵

冲之曾孫

王峻

袁儒

曾卓 聞人適 朱沐 陳俊卿 陳必得 胡淳 趙
炎

太學上舍釋褐

董夢顯

咸淳四年陳文龍榜

朱士龍 朱得之 胡庸 石余亨 盧普 周遇龍

楊潭 商夢龍 余庭簡

咸淳七年張鎮孫榜

厲元吉

咸淳十年王龍澤榜

陳喜孫 陳庚應 董弼 丁午奎 袁桂 傅默 王

壽朋

周汝暨

右紹興府進士題名碑在府學明倫堂自紹定五年徐杰榜陸剏起至咸淳十年王龍澤榜周汝暨等凡一百三十三人是碑立於紹定五年十月府教授繆蟾爲之記蓋因前二碑登載無餘故又續建也府志題名中失載景定三年吳大順王端二人咸淳元年潘文虎張翼張彌浩郭泰來陳化翰陳俊卿陳必得胡淳曾卓聞人適十人四年周遇龍揚潭盧普三人十年陳喜孫董弼丁午奎傅默王壽朋五人又咸淳元年太學上舍釋褐董夢顯志亦遺之宋時進士明經諸科外又有制科其後又有上舍出身及博學宏

詞科而推恩士子更有特奏名之例越中自南渡後
人文日盛世第連綿三碑所注代系科目藉以補正
志乘者不少然則石刻之有裨於文獻豈淺鮮耶

宋高宗御書無量壽佛碑

天申金剛

無量壽閣

賜

口口

以上正書二行中有小字賜口口於

天申金剛無量壽佛

以上正書一行中鈐太上皇帝之寶

天申金剛

無量壽佛

三感夢復書

佛牌賜

口口以上行書四行末鈐口口毀御書寶

□□□一介草野初無寸長徒以先□無□師□梵隆□
世遭逢

高宗皇帝自淳熙十一年而後七被

堯章之賜緹巾珍函尊奉惟謹懼□夸耀不敢宣露今□
年齡衰頽待盡下缺後人不知頓末敬慕下缺無量壽

佛

宸□□□恭承剡子併列左方有以仰

中興聖主下缺筭方高而下缺垂意藝文下缺崇護佛法

下缺昭回之光下照萬物如此若乃下缺法之備下缺體

之工下缺之嚴□□精□□□歷劫贊揚有弗能盡下

缺月□□□□□□□□理昭示□世下缺西巖

右碑篆書高宗皇帝宸翰六字上截刻御書三種下
截正書二十六行乃寺僧口口墓勒恭紀之語也在
烏程縣菁山常照寺茗紀又載一碑云得太上皇帝
御書佛語一件今賜叶山主八月初十日恭承得太
上皇帝銀一百兩賜叶山主守等回奉進奏呈十二
月其下又有數行似皆致謝回奏之詞一時所刻也
案渭南文集常照院記載高宗賜御書寂而常照照
而常寂八字以示名院本旨且賜天申金剛無量壽
閣扁榜及紫檀刻佛號如來閣榜悉御書也又賜所
臨王羲之帖二十二紙唐陸柬之蘭亭詩一卷及米
芾史畧帖一卷題圖扇二柄孝宗嗣位又命削常照

院子故址以隆師弟子上首至叶嗣其能嘉定三年
又創昭回閣藏所賜宸翰宋高宗以五月二十一日
爲天申節此天申字或其誕日所書

宋奉華堂澄泥硯

右澄泥硯

元

所藏長五寸三分濶三寸二分正面作

尊罍形上有四耳鐫刻工緻背刻正書奉華堂三字
按南宋高宗劉夫人字希建炎間主內翰文字或代
帝作宸翰所居名奉華堂此當是劉夫人之硯

宋廣壽慧雲禪寺碑

紹熙元年春 月辛丑故循王之曾孫宣義郎直秘閣前
通判臨安軍府事張鑑請於朝曰願以城東北新宅一區

效前賢捨爲佛寺仍割田六十頃有奇贍其徒薰脩植福以伸歸美報上之志上曰可賜額廣壽慧雲禪寺張君勳門佳裔自幼刻苦問學年未強仕澹然無意于榮途閒居遠聲色薄滋味終日矻矻攻爲詩文自處不異布衣臞儒人所難能茲又捐所重以創精藍尤難能者旣得請乃一意崇飭以侈上賜徹堂爲殿凡佛屋之未備者悉力經營土木堅好金碧煥發隱然叢林爲寓都壯觀見者起敬焉落成以書禱子爲記子每嘆世人苟貴若富必思廣其居務極雄麗以貽厥後而夸無窮然歷世未幾生息繁衍安敝化爲湫隘又從而分裂之蜂房蟻垤各開戶牖無復前日眈眈氣象矧或不競求售它人一再過而爲墟者有之

固不若釋吝驕齊物我推己所有與衆共之爲長且久也
異時寢處瞑游之地千載儼然子孫登覽企想風烈必有
慷慨激昂濟其美者世人識慮及此已定爲達而張君之
志則又過之蓋自其先王受國隆恩河潤澤及迄茲涵浸
一身眇然圖報無所故爲是舉以紓厥忠匪直爲其私也
若夫鐘魚震動雲水鼎來演上乘而祝帝齡錫餘福以佑
黎庶茲念一興亘千萬禩不能磨滅如佛氏所謂願力者
張君之忠寧有旣耶予嘉其志故爲之書太師保寧軍節
度使致仕魏國公史浩撰中大夫權吏部尚書兼直學士
院兼實錄院修撰兼侍讀樓鑰書并題額

先大父少卿捨宅一區以築梵宮割田□□畝有奇以給

僧飯獨力營勑不假他緣蓋思忠報之不已而植香火之
無窮也時丞相留公奏請賜額太師越王史公作記攻媿
大口樓公書丹及先大父所著發願文雄碑對峙叢林逮
今傳誦紹定危于劫火寺雖重建而記文皆不存蜀人許
居士所藏發願文舊刻卽先大父手筆慨然捐金礱石併
寺記重勒以成山中之闕典請跋于予追慕感嘆非惟敬
承先志以詔後人且使細流知安居暇食之源而聞者亦
足以戒云景定壬戌重陽後十日孫承信郎閣門看班祗
候張樾百拜謹書玉冊官余棗摹刊

右在艮山門內白洋池正書十七行行三十八字後
跋小字正書四行篆額正書八字咸淳臨安志云宋

張循王之孫鎡捨宅爲寺紹熙元年賜今額俗呼張家寺按南湖集鎡所居名玉照堂極林臺池館之勝四時翫屐接踵摩肩照耀一時而宣獻此文則謂其閒居遠聲色薄滋味不異布衣臞儒攻媿掾筆南湖雅詞似皆足以傳信何異同若此耶然卒能屏去塵俗捨宅歸真終如文中所云釋名駙齊物我爲長且久者迄今黃童白叟猶能指而道之

宋廣壽慧雲禪寺殘經幢

佛頂尊勝陀羅尼呪

文俱不錄

佛頂首楞嚴口呪

般若波羅密多心

佛弟子口口關廣壽慧雲禪關佛說諸大神咒關願

心偏周法界關天龍鬼神常來關

右在南湖寺中幢凡八面下半俱失僅存九寸餘行
書極清挺源出米南宮據慧雲寺碑跋爲功甫自書
無疑

宋紹興府脩學記

八卦有畫三墳有書經之源也典教有官養老有庠學之
始也歷世雖遠未之或異不幸自周季以來世衰道微俗
流而不返士散而無統亂於楊墨賊於申韓大壞於釋老
爛漫橫流不可收拾始有重編竅簡棲以巨輪象龍寓人
飾黃金珂璧恠珍之物誘駭愚稚而六經竄微穹閣傑屋

上摩霄漢黜堊髹丹窮極工按其費以億萬計而學校弗
治自周衰至五代幾二千年而後我

宋誕受天命崇經立學以爲治本

十二聖一心罔或怠忽然竊嘗考之方周盛時天子所都
既並建四代之學而又黨有庠遂有序畿內六鄉鄉有黨
百五十六遂遂有鄙如黨之數遂序黨庠蓋互見之則是
千里之內爲序十有二爲庠三百何其盛也今畿內之郡
皆僅有一學較於周不及百之二而又不治則爲之牧守
者得無任是責耶會稽拱

行在所爲東諸侯之冠宜有以宣

聖化倡郡國而學亦未稱 給事中栢蒼王公信來爲是

邦政成令行民物和樂臺榭弗崇陂池弗廣而惟學校是先燕遊弗親厨傳弗飾而惟養士是急下車未久與殿崇閔邃宇脩廊講說之堂絃誦之舍以葺以增不日訖事以其饗殮未足也則爲之售常平之田以其見聞未廣也則爲之求四方之書食有餘積書罕未見然公猶以爲慊曰上丁之禮服器未復古也又爲之新冕弁衣裳帶紳佩舄之屬自邦侯至諸生各以其所宜服鼎俎尊彝豆籩簠簋之屬自始奠至受胙各以其所宜用無一不如禮式公適齋心脩容來宿亏次質明陟降揖遜進退跪起俯首屏氣如懼弗克禮成士僉曰公以躬行先我我處于鄉弗篤於孝悌忠信出而仕弗勉於廉清正直不獨不可見公仰天

俯地其何心見父兄長老其何辭教授陳君自強與諸生以其言來告曰願有紀游老病不獲奉俎以從公後喜士之能承公化也於是乎書紹熙二年九月癸酉中奉大夫提舉建寧府武夷山冲佑觀陸游記朝請大夫主管建寧府武夷山冲佑觀詹駉書并隸額

緡雲劉尹刊

右碑在紹興府學文廿行正書字徑一寸二分碑爲紹熙二年九月陸游撰詹駉書按文中放翁自敘有老病不獲奉俎以從公後語則其時已致仕家居本傳僅載紹興元年遷禮部郎兼實錄檢討官下云嘉泰二年以孝宗光宗兩朝實錄及三朝史未就詔游

權同修國史實錄院同修撰蓋自奉祠致仕閱十二載而後應修史之召也傳於禮部郎以後不書致仕及奉祠事是其闕畧詹騃淳熙二年狀元林中子見府學題名碑此系銜主管冲佑觀此避思陵嫌名改管勾爲主管也職官志有建州武夷觀據此則又稱冲佑矣

宋淨化院經幢

佛頂尊勝陀羅尼經

經文不錄

紹熙壬子三月癸酉朔二十二日甲午內侍武功大夫主管佑神觀李棗建

右在水樂洞凡五面每面五行行十九字小楷書淨

化院吳越王建後廢額徙于南山石塢孝宗以其地
賜李棗因重建佛宇發土中得錢氏時寺記龕置石
間此幢卽其建字時立

宋朱子定山題名

紹熙甲寅閏十月癸未朱仲晦父南歸重游鄭君次山園
亭周覽巖壑之勝襄回久之林釋之余方叔朱耀卿吳宣
之趙誠父王伯紀陳秀彥李良仲喻可忠俱來

右在定山摩崖行書十六行字徑二寸按宋史光宗
本紀紹熙二年三月詔福建提點刑獄陳公亮知漳
州朱熹同措置漳泉汀三州經界此云南歸自閩還
也萬厯錢唐志載題名後有詩四句曰信乎銘巖壙

所願君勿鑿頽然見茲山一一皆天作今不存附錄
于此

宋京鐘龍華寺題名

紹熙五年冬至發書樞密院事豫章京鐘祀上帝齋宿于

此

正書四行字
徑二寸餘

慶元改元季秋鐘以知樞密事再齋宿于此

正書三行字
徑二寸餘

二年孟夏霽祀上帝鐘以右丞相充初獻仍齋宿于此

正書

四行字徑
二寸餘

三年鐘仍以右丞相充霽祀初獻齋宿于此

正書二行字
徑二寸餘

五年四月鐘復齋宿于此仍以右丞相充初獻

正書三行
字徑二寸

餘

六年春分祀高禩鐘復以右丞相充初獻齋宿于此

正書
四行

字徑二
寸餘

右在龍華寺後摩崖按宋史寧宗本紀慶元元年四月以余端禮爲右丞相京鐘知樞密院事二年正月以余端禮爲右丞相京鐘爲右丞相六年春閏月以京鐘爲左丞相謝深甫爲右丞相此高禩題名仍書右丞相疑遷轉在春分後也

宋廣福寺佛號題名

南無觀世音菩薩

南無阿彌陀佛

南無大勢至菩薩

紹熙五年歲次甲寅住盧少師庵僧惠立張念五監

開

右佛號正書大字三行在臨海縣東鄉廣福寺楓嶺
下摩崖洪筠軒云廣福寺在縣東九十里與盧待制
知原墓相近盧少師當卽其人庵亦乞賜守墳墓者
宋蘇軾贈文長老詩刻

題秀州本覺鄉僧文長老方丈

萬里家山一夢中吳音漸已變兒童每逢蜀叟談終日便
覺峨眉翠掃空師已忘言真有道我除搜句百無功明年
採藥天台去更欲題詩滿浙東

右第一別

再過本覺文老已病退

愁聞巴叟卧荒村來打三更月下門往事過年如昨日此
身未死得重論老非博土情相得病不開堂道益尊唯有
孤棲舊時鶴舉頭見客似長言

夜至本覺文長老已化

右第二列

初驚鶴瘦不可識漸作雲歸無處尋三過門間老病死一
彈指頃去來今存亡見慣渾無淚鄉口難忘尙有心欲向

錢塘弔口口葛洪川畔待秋深

右第三列

右蘇文忠公贈文老三詩本覺得之宗簿楊公家藏墨本
謹刻諸石爲山中無盡之傳文眉人公三過其門而拳拳
輒見於詩所謂一死一生乃知交情亦見文之非妄人也
文去今已百餘載惜其道無傳得託公之詩遂不泯滅公

之門下士皆一世英傑雖林下耆衲亦得俎豆諸公間至
禪有瓊蒿講有辨臻又其所敬畏者公天人也道德爲鈞
文章爲餌凡學海細鱗巨口無一或遺天其無意於斯文
而後世反是愚因歎時之弊憫道之衰哀士之不幸感槩
而書慶元元年五月望日住山本覺謹跋 嘉禾曹日孜
刊

山門監院僧師淨立石

右第四列

鈍菴覺禪師圓悟同郡行解師古爲拙菴嫡似蘇

三公案因師乃傳因楊寺簿乃授余裴眉翠掃中人也
可不爲再來文公記此奇 菴居士鄧諫從手識

右在碑左旁

右東坡先生遺鄉僧文老三詩余家舊藏第三詩以示今
主僧本覺覺遂集先生帖中字足 前二詩併刻之石余
西歸過寺裴徊周覽喜其能補 之闕云乙卯九月旦

眉山楊汝明 右在碑右旁

右碑分四列上三列各詩一首下列刻跋語十四行
兩旁又有題字二行俱行書在嘉興縣本覺寺三過
者熙寧五年攝開封府推官乞外適守杭州之明年
有事于潤道過樵李訪焉後六年自徐移湖再過焉
又十年自翰林學士累章請郡除龍圖閣學士知杭
州又過焉而文死矣此事可與圓澤三生事並傳慶
元初蜀僧本覺來住山得公第三詩于禮部尚書楊

公汝明家遂集帖字同前二詩刻石故前二詩稍遜
于三詩非墨本也尙書西歸題字于賢良鄧公諫從
之左嘉定甲申住山元澄作堂曰三過居簡爲之記
焉

宋何澹龍華寺題名

慶元二年二月十四日春分祀高禱括蒼何澹以同知樞
密院事充初獻齋宿於龍華

正書四行
字徑一寸

慶元三年二月二十六日春分澹以叅知政事復充高禱

初獻齋宿

正書三行
字徑一寸

慶元五年二月十八日春分禱祀澹以叅知政事充初獻

齋宿

正書三行
字徑一寸

嘉泰元年二月八日春分禱祀澹以知樞密院事兼叅知

政事充初獻齋宿

此刻在陳自強慶元題名之後正書四行字徑一寸

右在龍華寺後摩崖按宋史寧宗本紀慶元二年正月以御史中丞何澹同知樞密院事夏四月以何澹叅知政事

宋南高峯大佛字

佛巖主淨津建

慶元丙辰三月八日檀越胡安錢塘景明就石書本土耶
大榮刊

右在南高峯摩崖正書徑五尺欵字隸書二行字徑
二寸景明就石書卽書丹也

宋謝深甫龍華寺題名

慶元四年九月祀上帝臨海謝深甫以知樞密院事兼叅

知政事充初獻齋宿于寺

在何澹題名之後正書四行字徑一寸

慶元六年孟夏望月雲祀上帝深甫以右丞相充初獻齋

宿

正書四行字徑一寸餘

五月十六日禱雨祀上帝深甫充初獻

正書二行字徑一寸

嘉泰元年雩祀上帝深甫充初獻齋宿

此二條刻在何澹嘉泰題名之後正

書二行字徑一寸

五月十八日禱雨祀上帝深甫充初獻齋宿

正書二行字徑一寸

右在龍華寺後摩崖按宋史寧宗本紀慶元四年八月以謝深甫知樞密院事兼叅知政事

宋鐵井闌題字

慶元戊午□

年九月□□

常寺住□

比邱□□

重鑄

右題字在永嘉縣興文社坊廟前

宋許及之龍華寺題名

慶元四年冬至日祀昊天上帝永嘉許及之以同知密院

事充初獻

隸書六行字徑二寸
在京鐘題名之下

慶元五年九月十二日祀上帝同知密院事許及之充初

獻

隸書五行
字徑二寸

右在龍華寺後摩崖二條俱書密院西湖志衍樞字
按宋史寧宗本紀慶元四年八月以吏部尚書許及
之同知樞密院事

宋周夫人墓誌銘

宋攸夫人周氏墓誌銘

宣孝大夫知樞密院事兼叅知政事兼同提舉編修

敕令權監修 國史日歷權提舉編類聖政臨海郡開

國公食邑四千六百戶食實封 阡陸伯戶謝深甫撰

朝奉大夫行國 丞王及書 朝奉大夫新權知無

爲軍兼管內勸農營田屯 商飛卿篆額

夫人周氏台之臨海望族也曾祖文寵祖允平父永瞻廸
功郎母韓氏夫人幼敏悟女紅之事不俟訓而能父母愛
之繇爲擇佳配年十九歸于同里文林郎李君端修相敬
如賓事舅姑以禮主祭祀以時而仁其族成其家焉李君
楚州山陽縣主簿當邊事 人爭奔避夫人閔勞

勸 屬李君以功名而介然自守亦免於難後李君沿

旁郡火及官居夫人從容取文書携其 處園池中了無
所喪翌日同寮來問訊莫不 服 姑之 齋素閱佛書
寒暑弗間李君再 通州買納鹽塲益勉以職 曰家事
吾 爲之 母以私憂故其能以寡稱于一口

口滿從李君游衍江湖間極登臨選勝之口歸築室治園

往往口要李君樂于命客詩酒自娛 人主饋不懈至衣
食孤窮津梁道路之 又不少 君 行都得疾
不起夫人聞訃 哀遂至喪明後雖眊眊於 獨佛

書

口誦

教詔子孫聞其讀書聲

且告之 汝世其業唯 而已 預

厲

諸子以夫人之年幾可及 慶恩 請于 朝夫人曰
吾年實未至而父平生以 自許爾曹可以吾故罔

上累之耶訖 許夫

人嘗有疾卽治歛 會 多所取獨舍是夫人曰所

存如此他不足問也慶元二年 會親黨至夜分盡歡後

忽 疾命 措曰吾行矣 毋哭泣以溷我再

呼楮前欲言而止已卽奄然時十一月二十三日也享年八十有四李君前夫人二十三年卒子男四人楮其長格杞栢皆舉進士其幼早世女四人壻進士徐江林下愚二爲尼孫男炳然煥然熾然然烜然熿然然煊然孫女八人曾孫男三人女二人五年十二月二十六日以夫人歸塋縣之金僊山之陽耐李君之塋也楮先期求

其家

在所宜書銘其可辭銘曰

斂其室兮宜其家繁其實兮收其華勇施舍兮忘儉奢成夫君兮詔孫子觴江岷兮海濫源則長分流未止

台王之才摹刊

右碑篆額九字文正書二十五行在臨海縣東鄉金

仙寺側碑石今斷爲兩截按文李君端修官楚州山陽縣主簿再任通州買納鹽場卒于行都夫人幼敏悟歸于李仁族成家相李君有守火及官居從容取文書處園池中了無所喪任滿從李君游衍江湖極登臨選勝之樂歸則築室治園要李君命客詩酒自娛李卒喪明教子讀書其卒也會親黨盡歡戒勿哭一訣而逝可謂奇女子矣宜深甫爲之誌也謝深甫字子肅事跡見宋史本傳商飛卿字翬仲由太學生登進士遷工部郎提舉福建路常平事擢御史以忤韓侂胄罷尋起秘閣修撰爲荆南路轉運判官又改司農卿開禧中擢戶部侍郎侂胄將舉帥旨俾飛卿

軍前傳宣撫勞值金兵至以憂憤卒

宋趙周尹等玲瓏山題名

慶元六年正月二日邑令趙周尹偕陳婿季口來訪東坡遺跡時里居俞伯仁旭正蕭仁叔章口俞吳正卿偶集口寺僧行善口淪茗而之

右在臨安縣玲瓏山九折巖摩崖篆書十一行字徑三寸邑令趙周尹舊志失載

宋袁說友龍華寺題名

慶元六年八月吏部尚書建安袁說友四以奏告齋宿于此

此新字徑四寸

龍華寶乘禪寺住山住持僧寶嚴立石

正書一行字徑

寸

嘉泰二年九月九日同知樞密院事袁說友以季秋祀上

帝齋宿于此

此條在陳自強嘉泰題名之後正書四行字徑一寸

右在龍華寺後摩崖按袁說友宋史無傳孝宗隆興癸未進士自號東塘生歷官散見光宗寧宗本紀中咸淳臨安志云安吉州人其以中奉大夫行尚書右司郎中除直顯謨閣權知臨安府在光宗紹熙三年此以吏部尚書奏告也寧宗本紀六年八月太上皇違豫說友四以奏告當必緣此嘉泰二年八月以吏部尚書袁說友同知樞密院事

宋陳自強龍華寺題名

慶元六年冬至祀上帝長樂陳自強以簽書樞密院事

充初獻齋宿

在謝深甫題名之後正書三行
字徑一寸口至西湖志誤至日

嘉泰二年四月零祀上帝自強以叅知政事兼知樞密院

事充初獻齋宿

正書三行
字徑一寸

開禧元年九月八日祀上帝自強以右丞相充初獻齋宿

在錢象祖題名之後
正書三行字徑一寸

開禧二年孟夏零祀上帝自強充初獻齋宿

正書二行
字徑一寸

開禧三年正月初四日上辛祈穀自強充初獻齋宿

正書三行

字徑一寸

右在龍華寺後摩崖按宋史寧宗本紀慶元六年七

月以御史中丞陳自強簽書樞密院事嘉泰元年七

月以陳自強叅知政事兼同知樞密院事八月以陳

自強兼知樞密院事二年十一月以陳自強知樞密院開禧三年十一月以阿附韓侂胄罷右丞相

宋菁山常照院敕牒碑

尙書省牒

湖州烏程縣菁山常照院

牒奉

勅可賜常照禪院爲額牒至準

勅故牒

嘉泰四年七月 日牒

叅知政事張押

叅知政事費押

右丞相押

右牒正書七行在烏程縣諱山常照寺宋建炎中僧
梵隆建號無住蘭若紹興壬戌高宗召至內殿恩遇
殊渥舊志誤作乾道三年賜額當以此刻正之

宋徑山興聖萬壽禪寺碑

重建徑山興聖萬壽禪寺之記

徑山天下奇處也由雙徑而上至高絕之地五峯巉然中
本龍湫化爲寶所國一禪師開山于天寶之初特爲偉異
天作地藏待斯人而□□□□□□□□□□□□宗爲之
執弟子禮將相不得與大丈夫事繼之以無上又之以法
濟坐鎮羣魔刀斫禪牀而色不動識錢武肅王于微時故

吳越系世崇奉尤謹皇朝至道中太宗皇帝賜以御書并佛骨舍利元祐五年內翰蘇公知杭州革爲十方祖印悟公爲第一代住持紹興七年大慧禪師來主法席衲子雲集至千七百衆末年南歸重來殆而復振人境相與映發道俗趨仰龍神亦隨指摩而定顯仁皇后在慈寧宮高宗皇帝在德壽宮時皆嘗游幸就書龍遊閣扁榜孝宗皇帝書興聖萬壽禪寺又賜以圓覺經解天下叢林拱稱第一大慧以來名德繼起神龍靈響素著國家人庶有禱輒應系封神應德濟顯佑廣澤王廟爲靈澤且有玉圭玉帶黃金瓶鑪祭器之賜其盛極矣然而廢興有數不可預知國一之後以會昌沙汰而廢成通間無上興之又後八十餘

年慶賞始以感夢起廢爲屋三百楹剪去檁櫟手植樹檜
不知其幾今之叅天合抱之木皆是也蒙庵禪師元聰以
慶元三年自福之雪峯被旨而來道譽隆洽不媿前人五
年仲冬行化浙西而回祿挺災烈風佐之延燔棟宇一息
而盡異哉人皆以爲四百年積累之業一旦掃地有能興
之非磨以歲月未易就也先是寺基屈於五峯之間又規
模不出一手雖有屋甚夥高下奢儉各隨其時因陋就簡
亦復有之衆爲之請曰大慧無恙時豈不能撤而更之顧
其勢未可茲焉火起龍堂瞬息埃滅豈龍神欲一新之乎
况祖師之象出於烈燄而不燬開山之庵四面焦灼而茅
不傷師與國一俱姓朱氏或疑以爲後身比移醬壇涌泉

成井今日安知非暫廢而當復大興邪聰曰有是哉微我誰當爲之乃出衣盂爲之倡率學徒元韶可達等所在緣化兩宮加以錫資施者聞風日集動以萬計又命南悟等廣募閩浙江東西良工伐木于山日役千輩斤斧之聲震動山谷凡食於山者無問比止優婆塞相與勸勉智者獻謀壯者出力夙夜經營不翅已私開拓舊地首於東偏爲龍王殿以嚴香火之奉繼爲香積厨以給伊蒲之饌延湖海大衆則有雲堂供水陸大齋則列西廡此皆一日不可緩寺之所以立也寶殿中峙號普光明長廊樓觀外接三門門臨雙徑駕五鳳樓九間奉安五百應真翼以行道關口口口五十三善知識仍造千僧閣以補山之闕處前聳

百尺之樓以安洪鍾下爲觀音殿而以其東西序度毘盧
大藏經函鑿山之東北以廣庫堂輦其土石置後山巨壑
中開毘耶方丈于法堂之上復層其屋以尊閣思陵宸翰
御榻修復妙喜塔亭仍建蒙庵于明月池上爲香水海以
沐浴爲天慧堂以選僧禪房客館內外周備象設雄尊金
碧璀璨法器什物所宜有著纖悉必具不可勝書蓋其百
工競起衆志孚應經始於六年之春成於嘉泰改元之夏
閱月才十餘而變瓦礫之區爲大寶坊始者蕩廢於一彈
指頃若甚慘矣及其興之神速則高掩前古而又雄壯傑
特絕過於舊按圖而作井井有條雲棟雪脊暈飛層叠迴
出於煙霏空翠之表春秋二會來者益衆奔湊瞻仰如見

化城驚瞿踴躍稱未會有徑山於是乎□□矣余嘗登含
暉之亭如踏半空左眺雲海視日初出前望都城自西湖
浙江以至越山歷歷如指諸掌真絕景也爲別峯寶印賦
詩有百萬栴松雙徑杳三千樓閣五峯寒之句印爲之撫
掌且曰山中之景幾無餘蘊矣是時新創大閣丹雘未施
上下一色如凝霜雪涉二十年猶屬夢境今則土木之盛
何止十倍恨未能一寓目也聰忽以書相尋於寂寞之濱
屬以記文遣僧契日攜書來見備道始末辭之曰年侵學
落筆力隨衰子之師願力宏深成如許大佛事不求于重
望雄文之士而爲此來何其舛耶求之再三拙庵又助之
請遂櫟括其語爲之大書且告之曰大慧千僧閣之成一

時稱爲盛舉善乎李資政之記以爲臬公何足道而循襲
齷齪者以爲奇特□□□甚矣哉聰之爲此初豈有意於
興作者因鬱攸之奇變偶人情之響合上資國力廣集嘉
捨時節因緣有相之道以濟登茲是固不可不記以傳遠
然於師何□□□□□□□□□□□□□□□□□□□□□□□□
衆傾於億兆財施之廣盈於十萬視之如幻等之如空居
惟一室室惟一牀布褐陶甌泔衣糲食其視寵榮震耀何
如□□□□□□□□□□□□□□□□□□□□□□□□□□□□
益足爲贅是故言盡于此師其以爲然乎三年重午日顯
謨閣直學士通議大夫提舉江州太平興國宮奉化縣開
國下闕 山門脩造僧慧球法然都監寺僧 下闕

右在餘杭縣徑山興聖寺宋孝宗御書碑陰正書二十九行字徑一寸額正書十二字按寺在天目之東北肇始唐國一禪師法欽初名徑山乾符閒改爲鎮國院宋大中祥符閒改承天禪院政和閒改徑山能仁禪寺孝宗時御書額賜徑山興聖萬壽禪寺文中歷敘興替典瞻詳明越慶元己未冬龍王殿災精廬佛宇一夕而燼僧元聰治故而復新之于是遺書四明樓鑰乞記其事題銜下名已泐宣獻以寧宗時與林大中奏留彭龜年于經筵迂侂冒遂出外尋復奪職告老此題銜所以書提舉江州太平興國宮文云相尋于寂寞之濱也

宋費士寅龍華寺題名

嘉泰癸亥四月壬子簽書樞密院事廣都費士寅齋宿以
雩祀上帝充初獻也

右在龍華寺後袁說友題名之後正書四行字徑一
寸摩崖按宋史寧宗本紀嘉泰三年二月以吏部尙
書費士寅簽書樞密院事開禧元年三月罷

宋陳之純等玲瓏山題名

嘉泰乙亥九月中澣邑令陳之純丞趙伯昂簿趙汝奎尉
項夢開以農事方登邑事少閒觀稼于郊因至玲瓏暮而
歸

右在臨安縣玲瓏山九折巖摩崖正書七行字徑二

寸餘按陳之純見舊志趙伯勗趙汝奎項夢開皆失
載按汝奎樂清人慶元元年鄒應龍榜進士

宋錢厚玲瓏山詩刻

林扉日日爲誰開底用潛驅俗駕回路有險夷
跌蕩山無今古只崔嵬千章佳木凌雲上
万壑清流湧月來寄語游人莫道邁世間
何處不塵埃嘉泰甲子孟春錢厚登玲瓏
山賦呈章冠叟俞安仲陳安世繼至

此下有小子兩行不可識

右在臨安縣玲瓏山石門下摩崖正書九行字徑二
寸餘按錢氏爲臨安著姓尤多聞人厚字懋載嘉定
中常熟令號竹巖嬾翁有竹巖拾彙見宋詩紀事舊
志載厚慶元元年鄒應龍榜進士

兩浙金石志卷十

連山綬繆同知錢塘何玉池刊

國學正布政司理問銜臨海洪瞻墉校